

吳
興
藝
文
補

吳興藝文補卷之四十四目錄

李季蘭

吳興女冠

寄朱放

思怨

聽蕭叔子彈琴賦得三峽流泉歌

寄校書十七兄

送韓揆之江西

送閻二十六赴剡縣

道意寄崔侍郎

恩命追入留別廣陵故人

結素魚貽友人

春閨怨

八至

明月夜留別

偶居

得閻伯鈞書

伯鈞名士和

鄔載

吳興人

送蕭穎士赴東序得君字

薛據

泊震澤口

王維

春夜竹亭贈錢少府歸藍田

少府名起

又送錢少府還藍田

留別錢起

錢起

同嚴邑人東溪泛舟

山居新種花藥與道士同遊賦詩

送鄔三落第還鄉

鄔名載

歲初歸舊山

賦得寒雲輕重色送子恂入京

賦得叢蘭曙後色送梁侍御入京

月下洗藥

歲暇題茅茨

題玉村山叟屋壁

山園棲隱

送族姪赴任

藥堂秋暮

山齋讀書寄時校書杜叟

送外甥懷素上人歸鄉侍奉

懷素俗姓錢其自序稱起爲從父

同鄔載關中旅寓

九日寄姪荅箕等

耿緯

暮春野望寄錢起

戴叔倫

送別錢起

郎士元

贈錢起秋夜宿靈臺寺見寄

秦系

山中奉寄錢起員外

奉寄晝公

朱放

別李季蘭

劉長卿

過橫山顧山人草堂

橫山在烏程

送陸羽之茅山寄李延陵

送子壻崔真甫歸長城

聞奉迎皇太后使沈判官至因有此作

太后俄宗后沈氏

張繼

褚主簿宅會畢庶子錢員外郎使君韓綢

李嘉祐

送房明府罷長寧令之湖州客舍

送弘志上人歸湖州

過烏江公山寄錢員外

李端

野亭三韻送錢員外

歸山居寄錢起

送皎然上人歸山

皎然名清晝

包何

同閻伯鈞宿道士觀有述

盧綸

將赴閩鄉灞上留別錢起

客舍苦雨卽事寄錢起

顧況

李湖州孺人彈箏歌

題梨花睡鴨圖

送李侍御往吳興

楊衡

吳興人

題玄和師仙藥室

遊陸先生故巖居

宿陸氏齋賦得殘燈詩

經端溪峽中

宿陟謁寺雲律師院

贈羅浮易鍊師

登紫霄峰贈黃僊師

遊峽山寺

寄贈田倉曹灣

秋夜閒居卽事寄廬山鄭員外蜀郡符處士

夷陵郡內敘別

廬十五竹亭送姪偁歸山

將之荆南與張伯剛馬惣鍾陵夜別

思歸

長安秋二首

宿雲溪觀賦得秋燈引送客

哭李象

送澈公

送崔贊府赴南陽

桂州與陳羽念別

旅次江亭

經趙處士居

山齋獨宿簡宴上人

七夕

題山寺

贈廬山道士

九日陪樊尚書龍山宴集

賦得直如朱絲絃

省試

宿吉祥寺寄廬山隱者

題花樹

夜半步次古城

邊思

寄澈公

宿青牛谷梁鍊師仙居

槿

仙女詞

春夢

九日

吳興藝文補卷之四十四目錄終

吳興藝文補卷之四十四

烏程董斯張遐周彙編

閔元衢康侯叅輯
韓昌箕仲弓增定

寄朱放

李季蘭

望水試登山山高湖又濶相思無曉夕想望經年月鬱鬱
鬱山木青綿綿野花發別後無限情相逢一時說

相思怨

李季蘭

人道海水深不抵相思半海水尚有涯相思渺無畔攜
琴上高樓樓虛月華滿彈得相思曲絃腸一時斷

聽蕭叔子彈琴賦得三峽流泉歌

李季蘭

妾家本住巫山雲巫山流泉常自聞
玉琴彈出轉寂寥直是當時曲裏聽
三峽迢迢幾千里一時流入深閨裏
巨石崩崖指下生飛泉走浪絃中起
初疑憤怒含雷風又似嗚咽流不通
回湍曲瀨勢將盡時復滴瀝平沙中
憶昔阮公爲此曲能使仲容聽不足
一彈旣罷還一彈願作流泉鎮相續

寄校書十七兄

李季蘭

黑事烏程縣蹉跎歲月餘不知芸閣吏寂寞竟何如
遠

水浮僊棹寒星伴使車因

一作同

之大雷澤莫忘幾行書

送韓揆之江西

李季蘭

相看折楊柳別恨轉依依萬里西江水孤舟何處歸
湓城潮不到夏口信應稀惟有衡陽雁年年來去飛

送閻二十六赴剡縣

李季蘭

流水閭門外孤舟日復西離情遍芳草無處不淒淒
妾夢經吳苑君行到剡溪歸來重相訪莫爲阮郎迷

道意寄崔侍郎

李季蘭

莫漫戀浮名應須薄宦情百年齊旦暮前事盡虛盈
愁

鬢行看白童顏學未成無過天竺國依止古先生

恩命追入畱別廣陵故人

李季蘭

無才多病分龍鍾不料虛名達九重仰愧彈冠上華髮
多慚拂鏡理衰容馳心北闕隨芳艸極目南山望舊峰
桂樹不能畱野客沙鷗出浦謾相逢

結素魚貽友人

李季蘭

尺素如殘雲結爲雙鯉魚欲知心裏事看取腹中書

春閨怨

李季蘭

日尺井欄上數株桃已紅念君遠海北拋妾宋家東

八至

李季蘭

至近至遠東西至深至淺清溪至高至明日月至親至
疎夫妻

明月夜留別

李季蘭

離人無語月無聲明月有光人有情別後相思人似月
雲間水上到層城

偶居

李季蘭

心遠浮雲知不還心雲併在有無間狂風何事相搖蕩
吹向南山復北山

得聞伯鈞書

李季蘭

情來對鏡懶梳頭暮雨蕭蕭庭樹秋莫怪闌干垂玉筍
只因惆悵對銀鈎

送蕭穎士赴東府得君字

鄒載

策名十二載獨立先斯文爾來及門者半已昇青雲
雲豈無姿黃鶴素不羣一辭芸香吏幾歲滄江濱散職
既不羈天聰亦昭聞雖承急賢詔未謁陶唐君薄俸還
自急此言那足云和風媚東郊具物滋南薰蕙草正可
摘豫章猶未分宗師忽千里使我心氛氲

泊震澤口

薛據

日落草木陰舟徒泊江汜蒼茫萬象開合沓聞風水沿

洄值漁翁噉嘯

一作薛篠

逢樵子雲開天宇靜月明照萬里

早雁湖上飛晨鐘海邊起獨坐嗟遠遊登岸望孤舟

一作

長川零落星欲盡臃腫氣漸收行藏空自秉智識仍未周

伍胥旣伏劍范蠡亦乘流歌竟鼓棹去三江多客愁

春夜竹亭贈錢少府歸藍田

王維

夜靜羣動息時聞隔林犬卻憶山中時人家澗西遠羨
君明發去采蕨輕軒冕

又送錢少府還藍田

王維

草色日向好桃源人去稀手持平子賦目送老萊衣每
候山櫻發時同海燕歸今年寒食酒應得返柴扉

留別錢起

見英華或卽作起詩

王維

卑棲却得性每與白雲歸狗祿仍懷橘看山免採薇暮
禽先去馬新月待開扉霄漢時回首知音青瑣闥

同嚴邑人東溪泛舟

錢起

子陵江海心高跡此閑放漁舟在溪水曾是敦風尚朝
霽收雲物垂綸獨清曠寒花古岸傍唳鶴晴沙上紛吾

好貞逸不遠來相訪已接方外遊仍陪郢中唱歡言盡
佳酌高興延秋望日暮浩歌還紅霞亂青嶂

山居新種花藥與道士同遊賦詩

錢起

自樂魚鳥性寧求農牧資淺深愛巖壑疏鑿盡幽奇雨
花相助好鶯鳴春草時種蘭入山翠引葛上花枝風露
拆紅紫綠溪復映池新泉香杜若片石引江漣宛謂武
陵洞潛應造化移杖策携烟客滿袖掇芳蕤蝴蝶舞哥
我僊鷗閑傍籬但令黃精熟不慮韶光遲笑指雲蘿逕
樵人那得知

送鄒三落第還鄉

錢起

郢客文章絕世稀，常嗟時命與心違。
十年失路誰知己，千里思親獨遠歸。
雲帆春水將何適，日愛東南暮山碧。
關中新月對離樽，江上殘花待歸客。
名宦無媒自古遲，窮途此別不堪悲。
荷衣垂釣且安命，金馬招賢會有時。

歲初歸舊山

錢起

欲知愚谷好，久別與春還。
鬢髮初歸樹，雲晴却戀山。
石田耕種少，野客性情閒。
求食應難見，殘陽且掩關。

賦得寒雲輕重色送子恂入京，
錢起

無限寒雲色蒼茫淺更淡從龍如有瑞捧日不成陰積
翠全低嶺虛明半出林帝鄉遙在目鐵馬又駉駉

賦得叢蘭曙後色送梁侍御入京

錢起

曙色傳芳意分明錦繡叢蘭生霽後日花發夜來風不
向三峰裏全勝一縣中遙知大苑內應待五花驄

月下洗藥

錢起

汲井向星月分流入衆芳濕花低桂影翻葉靜泉光露
下添餘潤蜂驚引暗香寄言養生客來此共提筐

歲暇題茅茨

錢起

谷口逃名客歸來遂野心薄田供歲酒喬木待新禽溪
路春雲重山厨夜火深桃源應漸好僊客許相尋

題玉村山叟屋壁

錢起

谷口好泉石居人能陸沉牛羊上山小煙雨隔林深一
逕入溪色數家連竹陰藏虹辭晚雨驚隼落殘禽涉趣
皆傷目將歸羨在林却思黃紱事辜負紫芝心

山園棲隱

錢起

守靜信推分灌園樂在茲且忘堯舜力寧顧尚書期晚
景採蘭暇空林散帙時卷荷藏露滴黃口觸虫絲三徑

與器遠一瓢常自怡
情人半雲外
風月詎相思

送族姪赴任

錢起

林下不成興
仲容微祿牽客程
千里遠別念一帆懸欲
歎卑棲去其如勝趣偏
雲山深郡郭花木淨湖
田坐嘯帷應下離居月
復圓此時知小阮相憶
綠罇前

藥堂秋暮

錢起

隱來未得道
歲去愧雲松
茅屋空山暮
荷衣薄露濃
畦畔石苔色不染世人
蹤
潭靜宜孤鶴
山深絕遠鐘
有時丹竈上數點綵霞
重
勉事壺公術
僊期待赤龍

山齋讀書寄時校書杜叟

錢起

日暖蘅芳下，閑觀山海圖。
幽人自守朴，窮谷也名愚。
倒嶺和溪雨，新泉到戶樞。
叢蘭齊稚子，蟠木老潛夫。
憶戴差過剡，遊僊慣入壺。
濠梁時一訪，莊叟亦吾徒。

送外甥懷素上人歸鄉侍奉

錢起

釋子吾家寶，神清慧有餘。
能翻梵王字，妙盡伯英書。
遠鶴無前侶，孤雲寄大虛。
狂來輕世界，醉裏得真如。
飛錫離鄉久，寧親喜臘初。
故池殘雪滿，寒柳霽煙疎。
壽酒還嘗藥，晨餐不薦魚。
遙知禪誦外，徒筆賦閒居。

同鄔載關中旅寓

錢起

文士皆求遇今人誰至公
靈臺一寄宿楊柳再春風
更惜忘形友頻年失志同
羽毛一作衣齊燕雀心事阻鴛鴦

留滯慙歸養飛鳴恨觸籠
橘懷鄉夢裏書去客愁中殘
雪迷歸雁韶光棄斷篷
吞悲問唐舉何路出屯蒙

九日寄姪荪萸等

錢起

采菊偏相憶傳香寄便風
今朝竹林下莫使桂鑪空

暮春野望寄錢起

一作司空耿緯

草長花落樹羸病強尋春
無復少年意空餘華髮新
青

原高見水白社靜逢人寄謝南宮客軒車不可親

送別錢起

戴叔倫

陽關多古調無奈醉中聞歸夢吳山遠離情楚水分孤
舟經暮雨征路入秋雲後夜同明月山窓定憶君

贈錢起秋夜宿靈臺寺見寄

郎士元

石林精舍虎溪東夜扣禪扉謁遠公月在上方諸品靜
心持半偈萬緣空蒼苔古道行應遍落水寒泉聽不窮
更憶雙峰最高頂此心期與故人同

山中奉寄錢起員外

秦系

空山歲計是胡麻窮海無梁泛一槎稚子唯能覓梨栗
逸妻相共老煙霞朗吟麗句驚巢鶴閒閉香風看落花
借問省中何水部今人幾個屬詩家

奉寄晝公

秦系

篋笠雙童傍酒船湖山相引到房前芭蕉何事教人見
暫借空牀守坐禪

別李季蘭

朱放

古岸新花開一枝岸傍花下有分離莫將羅袖拂花落
便是行人腸斷時

過橫山顧山人草堂

劉長卿

祇見山相掩誰言路尚通
人來千嶂外犬吠百花中
細草香帶雨垂楊閑自風
却尋樵徑去惆悵綠溪東

送陸羽之茅山寄李延陵

劉長卿

延陵衰草遍有路問茅山
鷄犬驅將去煙霞擬不還
新家彭澤縣舊國穆陵關
處處逃名姓無名亦是閑

送子婿崔真甫歸長城

劉長卿

送君卮酒不成歡
幼女辭家事伯鸞
桃葉宜人誠可詠
柳花如雪若爲看
心憐稚齒鳴環去
身媿衰顏對玉難

惆悵暮汎何處落青山無恨水漫漫

聞奉迎皇太后使沈判官至因有此作

劉長卿

長樂宮人掃落花君王正候五雲車萬方臣妾同瞻望
疑在曾城阿母家

褚主簿宅會畢庶子錢員外郎使君韓翃

張繼

開甕臘酒熟主人心賞同暮天疎竹上殘雪亂山中更
喜宣城印朝廷與謝公

送房明府罷長寧令之湖州客舍

李嘉祐

君爲萬里宰恩及五湖人未滿先求退歸閑不厭貧遠
峰晴更近殘柳雨還新妄自趨丹陛明年鷄樹親

送弘志上人歸湖州

李嘉祐

山林唯幽靜行住不妨禪高月穿松逕殘陽過水田詩
從宿世悟法爲本師傅能使南人敬修持香火緣

過烏江公山寄錢員外

李嘉祐

雨過青山猿叫時愁人淚滴石榴枝無端王事還相繫
腸斷兼葭君不知

野亭三韻送錢員外

李端

野菊開欲稀寒泉流漸淺幽人步林後歎此年華晚倚
杖送行雲尋思故山遠

歸山居寄錢起

李端

悵望青山下迴頭淚滿巾故鄉多古樹落日少行人髮
鬢將回色簪纓未到身誰知武陵路亦有漢家臣

送皎然上人歸山

李端

適來世人豈緣名適去人間豈爲情古寺山中幾日到
高松月下一僧行雲陰鳥道苔方合雪映龍潭水更清

法主欲歸須有說門人流淚厭浮生

同閭伯鈞宿道士觀有述

包何

南國佳人去不迴洛陽才子更須媒綺琴白雪無心弄
羅幌清風到曉開冉冉修篁依戶牖迢迢列宿映樓臺
縱令奔月成僊去但作行雲入夢來

將赴閔鄉灘上畱別錢起

盧綸

暖景登橋望分明春色來離心自惆悵車馬亦徘徊遠
雪和霜積高花占日開從官竟何事憂患已相催

客舍苦雨卽事寄錢起

盧綸

積雨暮淒淒羈人狀鳥棲響空宮樹接霞水野雲低穴
蟻多隨草巢蜂半墜泥遶池牆薛合擁溜瓦松齊舊圃
平如海新溝曲似溪壤闌留衆蝶歇棟止羣鷄芳盛終
無實槎枯返有萋綠萍藏廢井黃葉隱危堤閭里歡將
絕朝昏望亦迷不知霄漢侶何路可相携

李湖州孺人彈箏歌

顧況

武帝昇天晉法曲淒情掩抑絃柱促上陽宮人怨青苔
此夜想夫憐碧玉思婦高樓刺壁窺愁猿叫月鸚呼兒
寸心十指有長短妙入神處無人知獨把梁州凡幾拍

風沙對面胡秦隔聽中忘却前溪碧醉後猶疑邊草白

題梨花睡鴨圖

顧況

昔年家住太湖西常過吳興罨畫溪水閣筠簾春似海
梨花影裏睡鳬鷖

送李侍御往吳興

顧況

世間只有情難說今夜應無不醉人若向洞庭山下過
暗知澆瀝聖姑神

題玄和師僊藥室

楊衡

山邊蕭寂室石掩浮雲扃遶室微有路松煙深冥冥入

松汲寒水對鶴問僊經石几香未盡水花風欲零何年
去華表幾度窮蒼溟却顧宦遊子眇如霜中螢

遊陸先生故巖居

楊衡

獨壑臨萬嶂蒼苔絕行跡仰窺猿挂樹俯對鶴巢石上
有一巖屋相傳靈人宅深林無陽暉幽水轉鮮碧拾薪
遇遺鼎探空得古籍結念俟雲興燒香坐終夕

宿陸氏齋賦得殘燈詩

楊衡

殷勤照水夜屬思未成眠餘暉含薄霧落燼迸空筵誰
比秦樓曉緘愁別幌前

經端溪峽中

楊衡

陰岸東流水上有微風生素羽漾翠澗碧苔敷丹英重
林宿雨晦遠岫孤霞明飛猿相攀牽白雲亂縱橫有客
泝輕楫閱勝匪羈程逍遙一夕間糞土五侯榮零落庶
獨熱漱泉聊拆醒寄言絲竹者詎識松風聲

宿陟岵寺雲律師院

楊衡

像宇鬱參差寶林疎復密中有彌天子燃燈坐虛室心
澄紅蓮喻跡羈青眼律玉鑪揚翠煙金經開縹帙陳
堅固學破我夢幻質碧水灑塵纓涼扇當夏日宿禽詎

相保迸火煙欲失願迴戚促勞趨隅事休逸

贈羅浮易鍊師

楊衡

海上多仙嶠靈人信長生榮衛冰雪姿
曉嚼日月精默書絳符遍晦步斗文成翠髮齊肩長金耳凌風輕曉籟
息塵響天灘一作鹿叱幽聲碧樹來戶陰丹霞照窻明焚

香叩虛寂稽首迴太清鸞鷺振羽儀飛翻拂旆左挹玉泉液右搴雲芝英念得叅龍駕攀天度赤城

登紫霄峰贈黃僊師

楊衡

紫霄不可涉靈峰信穹崇下有瓊樹枝上有翠髮翁鷄

鳴秋漢側日出紅霞中
璨璨真僊子執旄爲侍童
焚香杳忘言默念合一作思含
太空世華多熠耀虛室自朦朧
雲憇瓊瑤圃龜息芝蘭藜
玉籙掩不開天窓微微風
茲焉悟佳音塵境亦幽通
浩淼臨廣津永用挹無窮

遊峽山寺

楊衡

結構天南畔勝絕固難儔
幸蒙時所漏遂得恣閑遊
路石蔭松蓋檻藤維鶴州
雨霽花木潤風和景氣柔
寶殿敞丹扉靈幡垂絳旒
照曜芙蓉壺金人居上頭
翔翕拂危剎落日避層樓
端溪瀟漫駛曲澗潺湲流
高居何重

杳登覽自夷猶煙霞無隱態巖洞詎遺幽奔駟非久耀
馳波肯暫留會從香火緣滅跡此山丘

寄贈田倉曹灣

楊衡

芳蘭媚庭除灼灼紅英舒身爲陋巷客門有絳轅車朝
覽夷吳傳暮習潁陽書盼雲高羽翼待賈蘊璠璣纓弁
雖云阻音塵豈復疎若因風雨晦應念寂寥居

秋夜閑居卽事寄廬山鄭員外蜀郡符處士

楊衡

憂思繁未整良辰會無由引領遲佳音星紀屢以周遠

聞絕華耀泥乃處窮愁墜葉寒擁砌燈火

一作夜悠悠

開琴弄清絃窺月俯澄流冉冉鴻雁度蕭蕭帷箔秋悵

懷石門詠緬慕

一作趣

碧鷄遊髮華蒙顏色崇蘭隱芳洲

夷陵郡內敘別

楊衡

禮娶嗣明德同牢夙所欽況蒙生死契豈顧蓬蒿心雁
幣任野薄恩愛緣義深同聲若鼓瑟合韻似鳴琴將迂
室未立就贅意難任皎月託言誓滄波信浮沉荆臺理
晨撤巫渚疑宵襟憫憫百慮起回回萬恨侵候更促徒
侶先曉撤夜衾燈彩凝寒風蟬思噪密林晉念同心帶

贈遠芙蓉簪撫懷極投漆感物重黃金分鸞豈遐阻合
劍念相尋倘甘蓬戶賤願俟故山岑

盧十五竹亭送姪偁歸山

楊衡

落葉寒擁壁清霜夜霑石正是憶山時復送歸山客殷
勤一樽酒曉月當牕白

將之荆南與張伯剛馬惣鍾陵夜別

楊衡

荆臺別路長密緒分離狀莫訴杯來促更籌屢已唱燭
花侵物暗瑟調含風亮詎念遠帆開點淚參差浪

思歸

楊衡

西風屢鳴雁東郊未昇日繁烟幕幕昏暗騎蕭蕭出望
雲愁玉塞眠月想蕙質借問露霑衣何如香滿室

長安秋

二首

楊衡

玉纓翠佩雜輕羅香汗微漬朱顏酡爲君起唱白苧歌
清聲裊雲繫思多疑笳哀瑟時相和金壺半傾方夜促
梁塵霏霏暗紅燭令君安坐聽終曲墜葉飄花難再復
又

躡珠履步瓊筵輕身起舞紅燭前芳姿艷態妖且妍迴

眸轉袖暗催絃涼風蕭蕭漏水急月華泛灝紅蓮濕
半裙攬帶翻成泣

宿雲溪觀賦得秋燈引送客

楊衡

雲房寄宿秋夜客一燈熒熒照虛壁出聲呼客客未眠
幾人語話清景側不可離別愁紛多秋燈秋燈奈別何

哭李象

楊衡

白鷄黃犬不將去寂寞空餘塋時路草死花開更幾年
後人知是何人慕憶君思君獨不眠夜寒月照青楓樹

送澈公

楊衡

白首空年度幽居俗豈知敗蕉依晚日孤鶴立秋墀久
客何由造禪門不可窺會同塵外友齋沐奉威儀

送崔贊府赴南陽

楊衡

聞君動征棹犯夜故來尋強置一樽酒重欸百年心燈
白霜氣冷室虛松韻深南陽三顧地幸偶價千金

桂州與陳羽念別

楊衡

慘戚損志抱困君時解顏重歎念今夕復在幾夕聞碧
桂水連海蒼梧雲滿山茫茫從此去何路入秦關

旅次江亭

楊衡

扣舷不能寐，皓露清衣襟。
彌傷孤舟夜，遠結萬里心。
幽興惜瑤草，素懷寄鳴琴。
三奏月初上，寂寥寒江深。

經趙處士居

楊衡

雲居避世客，髮白習儒經。
有地水空綠，無人山自青。
廢梁悲逝水，卧木思荒庭。
向夕霏烟歛，徒看處士星。

山齋獨宿簡宴上人

楊衡

憧憧雲樹秋，黃葉下山頭。
蟲響夜難度，夢閒神不遊。
窓燈寒几盡，簾雨曉堦愁。
何以禪棲客，灰心在沃州。

七夕

楊衡

漢浦常多別山

一作星

橋忽重遊向雲迎翠輦當月拜珠

旒寢幌凝宵態粧奩閑曉

一作晚

愁不堪鳴柳

一作杼

日空

對白榆秋

題山寺

楊衡

千峰白露後雲壁挂殘燈曙色海邊日經聲松下僧意

閑門不閉年去水空澄稽首如何問森羅盡一乘

贈廬山道士

楊衡

寂寥高室古松寒松下仙人字委鸞頭垂白髮朝鳴磬
手把青芝夜遶壇物象自隨塵外滅真源長向靜中看

悠悠萬古皆如此秋比松枝春比蘭

九日陪樊尚書龍山宴集

楊衡

孟嘉從宴地千乘復登臨緣危降高步憑曠寫幽襟黃
花坑初馥綠蟻喜盈斟雲雜組繡色樂和山水音旃搖
秋吹急筵卷夕光沈都人瞻騎火猶知隔寺深

賦得直如朱絲絃

省試

楊衡

寂寞瑤琴上深知直者情幸傳朱鷺曲那止素絲名端
草人空仰王言世久行太方聞正位樂府動清聲文武
音初合宮商調屢更誰能向機杼終日泣無成

宿吉祥寺寄廬山隱者

楊衡

風鳴雲外鐘鶴宿千年松相思杳不見月出山重重

題花樹

楊衡

都無看花意偶到樹邊來可憐枝上色一一爲愁開

夜半步次古城

楊衡

茫茫行復坐唯有古時城夜半無鳥雀花枝當月明

邊思

楊衡

蘇武節旄盡李陵音信稀花當隴上發人向隴頭歸

寄澈公

楊衡

北風吹霜霜月明荷葉枯盡越水清別來幾度龍宮深

雪山童子應相逐

逐字英華作迎

宿青牛谷梁鍊師仙居

楊衡

隨雲步入青牛谷青牛道士畱我宿可憐夜久月明中
惟有壇邊一枝竹

槿

楊衡

自用金錢買槿栽二年方始一花開憐紅未許佳人見
蝴蝶爭知早到來

僊女詞

楊衡

藝文補

卷四十四

二十

唐詩

王筍初侍紫皇君金縷鴛鴦滿絳裙
僊宮一閉無消息遙結芳心向碧雲

春夢

楊衡

空庭日照花如錦紅妝美人當昔寢
傍人不知夢中事惟見玉釵時墜枕

九日

楊衡

黃花紫菊傍籬落摘菊泛酒愛芳新
不堪今日望鄉意強插茱萸隨衆人

吳興藝文補卷之四十四終

吳興藝文補卷之四十五目錄

于頔

見前

寄皎然

劉禹錫

送僧及南謁柳員外

酬湖州崔郎中見寄

奉酬湖州崔郎中見寄五韻

石園蘭若試茶歌

贈別約師

蒙恩轉儀曹郎依前充集賢學士舉韓湖州自代

因寄七言

酬楊八庶子喜韓吳興與余同遷見贈

洛中送韓七中丞之吳興口號

吳興敬郎中見惠斑竹杖兼示一絕聊以謝之

寄湖州韓中丞

韓愈

薦士

爲孟郊

孟生詩

江漢一首答孟郊

長安交遊者一首贈孟郊

將歸贈孟東野

答孟郊

奉和錢七兄徽曹長盆池所植

錢徽庖子

醉留東野

和虞部盧四汀酬翰林錢七徽赤藤杖歌

孟郊

湖州取解述懷

下第東歸留別長安知己

擢第後東歸書懷獻座主呂侍郎

送陸暢歸湖州因憑題故人岐然塔陸羽墳

山中送從叔簡

送弟郢東歸

隱士

夾門雪贈主人

留弟郢不得送之江南

戲贈陸長源

陸長源

酬孟十二新居見寄

答孟郊夷門雪

答孟東野戲贈

張籍

沈千運舊居

贈別孟郊

茶嶺

在長城

劉言史

初下東周贈孟郊

與孟郊洛北野泉上煎茶

李賀

追和柳惲

盧仝

憶金鵝山沈山人二首

山在德清

贈金鵝山人沈師魯

陳

送沈師魯南遊

題贈高閒上人

吳興秋思二首

呂溫

送閒師歸江南

張祜

高閒上人

劉叉

答孟東野

與孟東野

于鵠

題合谿乾洞 谿在長城

歐陽詹

益昌行 并序○爲吳興沈長源

戴叔倫

寄孟東野

朱書

喜陳懿老示新製

沈傅師

次潭州酬唐侍御姚員外遊道林嶽麓寺題示

奉酬浙西尚書招隱山觀玉蕊樹戲書卽事見懷

之作

贈毛仙翁

寄太府兄侍史

唐扶

題道林寺示沈觀察

傅師

李德裕

招隱山觀玉蕊樹戲書卽事奉寄江西沈大夫閣

老
傅師

白居易

泛太湖書事寄微之

小歲日對酒吟錢湖州新寄詩

崔湖州贈紅石琴薦煥如錦文無以答之以詩酬

謝

郡中閑獨寄微之及崔湖州

錢湖州以簪下酒李蘇州以五醖酒相次寄到無

因同飲聊詠所懷

初到郡齋寄錢湖州李蘇州聊取二郡一哂故有
落句之戲

早飲湖州酒寄崔使君

吉祥寺見錢侍郎題名

箬峴東池

得楊湖州書頗誇撫民接賓縱酒題詩因以絕句
戲之

晚春寄微之并崔湖州

劉商 寓武康

題廢禪居寺

合溪水漲寄敬山人

范傳正

同靈澈上人過杼山題皎然影堂

李克恭

哭孟郊

賈島

送沈秀才下第東歸

投孟郊

哭孟郊

弔孟協律

王建

弔孟東野

周賀

題畫公院

宿杼山畫公禪堂

沈亞之

見前

春色滿皇州

省試

春辭

徐凝

送沈亞之赴郡掾

將至妙喜寺

吳興藝文補卷之四十五目錄

終

吳興藝文補卷之四十五

烏程董斯張遐周彙編

閔元衢康侯叅輯

韓千秋聖開增定

寄皎然

于頔

雪水漾清潄吳山橫翠岑含珠復蘊玉價重雙南金

送僧及南謁柳員外

劉禹錫

昔日廬山遠僧舍虎溪東潮陽照瀑水樓閣虹霓中騁
望羨雲遊振衣若秋蓬舊房閑秋月遠思吟江風古寺
歷頭陀奇峰攀祝融南登小樓嶺却望歸塞鴻衣裊貯

文章自言學雕蟲
檜楡念陵厲覆簣而穹崇
遠郡多暇日有詩訪禪宮
石門崇峭絕竹院含空濛
幽響滴巖溜晴芳飄野叢
海雲懸颶母山果屬狙公
忽憶吳興郡白蘋正葱蘢
願言挹風采邈若窺華松
桂水多夏潮急火清焰紅
三天濡菌露一錫飛煙空
勿謂翻譯徒才爲文
體嫌古來賞音者熈熈得孤桐

謝湖州崔郎中見寄

劉禹錫

風爭吟秋空不肖指爪聲
高人靈府間律呂伴咸英
昔年與兄遊文似馬長卿
今來寄新詩乃類陶淵明
磨礱

老益智吟詠閒彌精豈非山水鄉蕩漾神機清渚烟蕙
蘭動溪雨虹蜺生馮君虛上舍待余乘興行

奉酬湖州崔郎中見寄五韻

劉禹錫

山陽昔相遇灼灼晨葩鮮同遊翰墨場和樂塤篪然一
落名宦途浩如乘風船行當裘暮日卧理淮海邊猶期
謝病後共樂桑榆年

石園蘭若試茶歌

劉禹錫

山僧後檐茶數叢春來映竹抽新茸宛然爲客振衣起
自傍芳叢摘鷹觜斯須炒成滿室香便酌砌下金沙水

驟雨松聲入鼎來白雲滿枕花徘徊悠揚噴鼻宿醒散
清峭徹骨煩衿開陽崖陰嶺各殊氣未若竹下莓苔地
炎帝雖甞未解煎桐君有錄那知味新芽連拳半未舒
自摘至煎俄頃餘木蘭墜露香微似瑤草臨波色不如
僧言靈味空幽寂采采翹英爲嘉客不辭緘封寄郡齋
甞井銅鑪損標格何況蒙山顧渚春白泥赤印走風塵
欲知花乳清冷味須是眠雲跂石人

贈別約師

劉禹錫

師逢吳興寺相伴住禪扃春雨同栽樹秋燈對講經廬

山曾結社桂水遠揚舲話舊還惘悵天南望柳星

蒙恩轉儀曹郎依前充集賢學士舉韓湖州自代

因寄七言

劉禹錫

翔鸞闕下謝恩初通籍由來在石渠暫入南宮判祥瑞
還歸內殿閱圖書故人猶在三江外同病凡經二紀餘
今日薦君嗟久滯不惟文體似相如

酬楊八庶子喜韓吳興與余同遷見贈

依本韻次用

劉禹錫

早遇聖明朝雁行登九霄文輕傳武仲酒逼蓋寬饒舍

矢同瞻鵠當筵共賽梟琢磨三益重唱和五音調臺榭
煙常起池荷香暗飄星文辭北極旗影度東遼直道由
來黜浮名豈敢要三湘與百越雨散又雲搖遠守慙侯
籍徵還荷詔條頓容唯舌在別恨幾魂銷滿眼悲陳事
逢人少舊條煙霞爲老伴蒲柳任先凋虎綬懸新印龍
脚理去橈斷腸天北郡携手洛陽橋幢蓋今雖貴弓旌
曾見招其如草玄客空手久寥寥

洛中送韓七中丞之吳興口號

五首之一

劉禹錫

駱駝橋上蘋風急鸚鵡杯中箬下春水碧山青知好處

開顏一笑向何人

吳興敬郎中見惠斑竹杖兼示一絕聊以謝之

劉禹錫

一莖炯炯琅玕色
數節重重玳瑁文
拄到高山未登處
青雲路上願逢君

寄湖州韓中丞

劉禹錫

老郎日日憂蒼鬢
遠守年年厭白蘋
終日相思不相見
長頭相見是何人

薦士

韓愈

周詩三百篇雅麗理訓詰曾經聖人手議論安敢到五
言出漢時蘇李首更號東都漸瀰漫派別百川導建安
能者七卓犖變風操逶迤抵晉宋氣象日凋耗中間數
鮑謝比近最清與齊梁及陳隋衆作等蟬噪搜春摘花
卉公襲傷剽盜國朝盛文章子昂始高蹈勃興得李杜
萬類困陵暴後來相繼生亦各臻閫奧有窮者孟郊受
材實雄鷲冥觀洞古今象外逐幽好橫空盤硬語妥帖
力排泉敷柔肆紆餘奮猛卷海濤榮華肖天秀健疾逾
駑駘行身踐規矩甘辱耻媚寵孟軻分邪正眸子看聯

眊杳然粹而清可以鎮浮躁酸寒溧陽尉五十幾何毫
孜孜營甘旨辛苦久所冒俗流知者誰指注競嘲傲聖
皇索遺逸髦士日登造廟堂有賢相愛遇均覆燾況承
歸與張二公迭嗟悼青冥送吹噓強箭射魯縞胡爲久
無成使以歸期告霜風破佳菊嘉節迫吹帽念將決焉
去感物增戀嫪彼微水中荇尚煩左右芼魯侯國至小
廟鼎猶納郃幸當擇珉玉寧有弃珪琕悠悠我之思擾
擾風中蕪上言愧無路日夜惟心禱鶴翎不天生變化
在啄菹通波非難圖尺地易可漕善善不汲汲後時徒

悔懊救死具八珍不如一簞犒微詩公勿誚愷悌神所
勞

孟生詩

韓愈

孟生江海士古貌又古心嘗讀古人書謂言古猶今作
詩三百晉窅默咸池音騎驢到京國欲和薰風琴豈識
天子居九重鬱沉沉一門百夫守無籍不可尋晶光蕩
相射旗戟翩以森遷延乍却走驚怪靡自任舉頭看白
日泣涕下霑襟竭來遊公卿莫肯低華簪諒非軒冕族
應對多差參萍蓬風波急桑榆日月侵奈何從進士此

路轉巖欹異質忌處羣孤芳難寄林誰惜松桂性競愛
桃李陰朝悲舜樹葉夕感歸巢禽顧我多慷慨窮簷時
見臨清宵靜相對髮白聆苦吟採蘭起幽念眇然望東
南秦吳修且阻兩地無數金我論徐方牧好古天下欽
竹實鳳所食德馨神所歆求觀衆丘小必上泰山岑求
觀衆流細必泛滄溟深子其聽我言可以當所箴旣獲
則思返無爲久滯淫卞和試三獻期子在秋衽

江漢一首答孟郊

韓愈

江漢雖云廣乘舟渡無艱流沙信難行馬足常往還雲

風結衝波狐裘能禦寒終宵處幽室華燭光爛爛苟能
行忠信可以居夷蠻嗟余與夫子此義每所敦何爲復
見贈繼繼狂不諼

長安交遊者一首贈孟郊

韓愈

長安交遊者貧富各有徒親朋相過時亦各有以娛陋
室有文史高門有笙竽何能辨榮悴且欲分賢愚

將歸贈孟東野

韓愈

君門不可入勢利互相推借問讀書客胡爲在京師舉
頭未能對閉眼聊自思倏忽十六年終朝苦寒饑宦途

竟寥落鬢髮坐差池
潁水清且寂箕山坦而夷
如今頓當去咄咄無自疑

答孟郊

韓愈

規模背時利文字覩天巧
人皆餘涵肉子獨不得飽
纔春思已亂始秋悲
又攪朝餐動及午夜諷
恠至卯名聲暫羶腥
腸肚鎮煎燭古心雖自鞭
世路終難拘弱拒喜張臂
猛拏閒縮爪見倒誰肯扶
從嗔我須駸

奉和錢七兄敝曹長盆池所植

韓愈

翻翻江浦荷而今生在此
擢擢菰葉長芳根誰復徒露

濡兩鮮翠風蕩相磨倚但取主人知誰言益益是

醉留東野

韓愈

昔年因讀李白杜甫詩長恨二人不相從吾與東野生
並世如何復躡二子蹤東野不得官白首跨龍鍾韓子
稍姦黠自慙青蒿倚長松低頭拜東野願得終始如駟
騶東野不迴頭有如寸蓬撞鉅鐘吾願身爲雲東野變
爲龍四方上下逐東野雖有別離無由逢

和虞部盧四

汀

酬翰林錢七

薇

赤藤杖歌

韓愈

赤藤爲杖世未窺臺郎始攜自滇池滇王掃宮避使者
跪進再拜語盟咿繩橋柱過免傾墮性命造次蒙扶持
途經百國皆莫識君臣聚觀逐旌麾共傳滇神出水獻
赤龍拔鬚血淋漓又云義和操火鞭順到西極睡所遺
幾重包裹自題署不以珍怪誇荒夷歸來捧贈同舍子
浮光照手欲把疑空堂晝眠倚牖戶飛電著壁搜蛟螭
南宮清深禁闌密唱和有類吹埙篴妍辭麗句不可繼
見寄聊且慰分司

湖州取解述懷

孟郊

雲水徒清深照影不照心白鶴未經舉衆鳥爭浮沈因
茲摧帆去遂作歸山吟

下第東歸留別長安知己

孟郊

共照日月影獨爲愁思人豈知鵲鳩鳴瑤草不得春一
片兩片雲千里萬里身雲歸嵩之陽身寄江之濱棄置
復何道楚情吟白蘋

擢第後東歸書懷獻座主呂侍郎

孟郊

青歲辭親淚今爲戀恩泣去住情難並別離景易戢天
濤太空鱗曾爲小泉蟄幽意獨沉時震雷忽相及神行

既不宰直制

集作致

非所執至運本遺功輕生各

一作自

立大君思此化良佐自然集寶鏡無私光時文有新習

慈親誠

一作誠

志就賤子歸情急擢第謝靈臺牽衣出皇

邑行襟海日曙逸抱江風入蒹葭綠波浪芙蓉紅岸濕
雲寺勢動搖山鐘韻噓吸舊遊期再踐懸水得重挹松
蘿雖可居青紫終當拾

送陸暢歸湖州因憑題故人皎然塔陸羽墳

孟郊

渺渺雲寺前白蘋多清風昔遊詩會滿今遊詩會空孤

詠玉淒惻遠思景蒙籠
山埭塔禪竟陵廣宵翁遶彼
草木聲髣髴聞餘聰
因君寄數句遍爲書其藁
追吟當時說來者實不窮
江調難再得京塵徒滿躬
送君溪鶯鶯彩色雙飛東
東多高靜鄉芳宅冬亦榮
手自樹甘旨俱養歡冲融
待我遂前心收拾使有終
不然洛岸亭歸死爲大同

山中送從叔簡

孟郊

莫以手中瓊言邀世上名
莫以山中迹久向人間行
松栢有霜標鳳泉無俗聲
應憐枯朽質驚此別離情

送弟郢東歸

孟郊

爾去東南夜我無西北夢誰言貧別易貧別愁更重曉
色奪明月征人逐羣動秋風楚濤高旅榜將誰共

隱士

孟郊

本末一相返漂浮不還真山野多餒士市井無饑人虎
豹忌當道麋鹿知藏身奈何貪競者日與患害親顏貌
歲歲改利心朝朝新孰知富生禍取富不取貧寶玉忌
出璞出璞先爲塵松栢忌出山出山先爲薪君子隱石
壁道書爲我隣寢興思其義淡泊味如珍陶公自放歸

尚平去有依草木擇地生禽鳥順性飛青青與冥冥所
保各不違

夷門雪贈主人

孟郊

夷門貧士空吟雪夷門豪士皆飲酒酒聲歡鬧入雲霄
雪聲激切悲枯朽悲歡不同歸去來萬里春風動江柳
番弟郢不得送之江南

孟郊

剛有下水船白日番不得老人獨自歸苦淚滿眼黑
戲贈陸長源

孟郊

蓮子不可得荷花生水中猶勝道傍柳無事蕩春風

酬孟十二新居見寄

陸長源

大道本夷曠高情亦冲虛因隨白雲意偶逐青蘿居青
蘿分蒙密四序無慘舒餘清濯子衿散彩還吾廬去歲
登美第榮名在公車將必繼管蕭豈惟躡應徐首夏尚
清和殘芳遍丘墟褰幃蔭窻柳汲井滋園蔬達者貴知
心古人不願餘愛君蔣生逕且著茂陵書

荅孟郊夷門雪

陸長源

好丹與素道不同失意得途事皆別東隣年少樂未央
南客思歸腸欲絕千里長河水復冰雲鴻冥冥楚山雪

答孟東野戲贈

陸長源

芙蓉初出水
齒舊露中花
風吹著枯木
無奈值空槎

沈千運舊居

張籍

汝北君子宅
我來見頽墉
亂離子孫盡
地屬隣里翁
上水被丘墟
谿路不連通
舊井蔓草合
牛羊墜其中
君辭天子書
放意任體躬
一生不自力
家與逆旅同
高議如星辰
餘聲激暗聾
方將旌舊閭
百世可封崇
嗟其未積年
已爲荒林叢
時豈無知音
不能崇此風
浩蕩竟無覩
我將安所從

贈別孟郊

張籍

歷歷天上星沈沈水中萍
幸當清秋夜流影及微形
君生浮俗間立身如禮經
純誠發新文獨有金石聲
懼名振京國歸去東南行
停車楚城下顧我不念程
寶鏡曾墮水不磨豈自明
苦節居貧賤所知賴友生
歡會方別離戚戚憂慮并
安得在一方終老無送迎

茶嶺

張籍

紫芽連白蘆初向嶺頭生
自看佳人摘尋常觸露行

初下東周贈孟郊

劉言史

鶴老耳更工龜死殼亦靈正信非外訟終始全本情童
子不戲塵積書就帛局身著木葉衣養鹿兼犇耕偶隨
下山雲荏苒失故程漸入機險中危思難泰行十髮九
縷絲悠然東周城言詞野麋熊出口多累刑因依漢元
寮似羈細輕冷竈助新熱靜砧與寒聲清斷蓬在門欄
豈當桃李榮寄食若蠹虫侵損利微生固非拙爲強懦

劣寂寥并素堅冰蘂心潔立保賢貞修文返正風刊字
齊古經慙將衰末分高樓喧世名

與孟郊洛北野泉上煎茶

劉言史

紛細越筍芽野煎寒溪濱恐乖靈草性觸事皆手親敲
石取鮮火撒泉避腥鱗熒熒風鐺拾得墜巢薪潔色
既爽別浮氤亦慙慙以茲委曲靜求得正味真宛如摘
山時自歎指下春湘釜泛輕花滌盡昏渴神此遊愜醒
趣可以話高人

追和柳惲

李賀

汀洲白蘋草柳暉垂馬歸江頭櫨樹香岸上蝴蝶飛酒
杯箬葉露玉軫蜀桐虛朱樓通水陌沙暖一雙魚

憶金鷺山沈山人二首

盧仝

君家山頭松樹風適來入我竹林裏一片新香破鼻香
請君速來助我喜莫合九轉大還丹莫讀三十六部大
洞經開來共我說真意齒下領取真長生不須服藥求
神仙神仙意智或偶然自古聖賢放入土淮南鷄犬驅
上天白日上昇應不惡藥成且輟一丸藥暫時上天少
問天蚰頭蝎尾誰安著

君愛鍊藥藥欲成我愛鍊骨骨已清試自比較得仙者
也應合得天上行天門九重高崔嵬清空鑿出黃金堆
夜叉守門晝不啓夜半醮祭夜半開夜叉喜惟動關鎖
鎖聲掣地生風雷地上禽獸重血食性命血化飛黃埃
太上道君蓮花臺九門隔濶安在哉嗚呼沈君大藥成
兼須巧會兒物情無求長生喪厥生

贈金鷲山人沈師魯

盧仝

金鷲山中客來到揚州市買藥牀頭一破顏撇然便有
上天意日月高挂玄關深金膏切淬肌骨異人皆食穀

與五味獨食太和陰陽氣浩浩流珠走百關綿綿若存
有深致種玉不耕山外非內粹鑿儒開決文泉彰風雅
因君不復墜光不外照刃不磨迴避人間惡富貴三日
四日五六日盤礴化元搜萬類晝飲興酣陶天和夜話
造微精魅示我挿血不死方賞我風格不肥膩肉眼
不識天上書小儒安敢窺奧秘崑崙路隔西北天三山
後浮不着地君到頭上憶我時金簡爲吾鐫一字

種玉
以下

十六字
疑有誤

送沈師魯南遊

陳陶

高臺送歸客滿握軒轅風落日一揮手金鷺雲雨空驚
洲石梁外劍浦羅浮東茲興不可接條條煙際鴻

題贈高閑上人

陳陶

簷蔔花間客軒轅席上珍筆江秋菡萏僧國瑞麒麟內
殿初招隱曹溪得後塵龍蛇驚粉署花雨對金輪白馬
方依漢朱星又入秦劇談凌鑿齒清論倒波旬拂石先
天古降龍舊國春珠還合浦老龍去玉州貧鴛鴦輪黃
絹塲壇遶白蘋鼎湖閑入夢金閣靜通神海氣成方丈
山泉落淨巾獼猴深愛月鷗鳥不猜人拂岳蕭蕭竹垂

空澹澹津漢妹難覓對荆璞本來真伊傳多聯璧劉雷
競買隣江邊有國寶時爲星辰

吳興秋思二首

陳陶

不是苕溪厭看月天涯有程雲樹涼何意汀洲剩風雨
白蘋今日是瀟湘

日夕鯢魚夢南國苕陽水高迷渡頭故山秋風憶歸去
白雲又被王孫留

送開師歸江南

呂溫

過住江南寺隨緣到上京多生修律業外學得書名講

殿偏追入齋家得請行青楓鄉路遠幾日盡歸程

高閑上人

張祜

座上辭安國禪房戀沃州道心黃葉老詩思碧雲秋卷
軸朝廷餞書函內庫收陶欣入社叟怯論經儔日色
屏初揭風聲筆未休長波溢海岸大點出嵩丘不絕幾
之法難窮智永流殷勤一牋在留著看銀鈎

答孟東野

劉義

酸寒孟夫子苦愛老父詩生澁有百篇謂是瓊瑤辭百
篇非所長憂來豁窮悲唯有剛腸鐵百鍊不柔虧退之

何可罵東野何可欺文王已云歿誰顧好爵縻生死守
一丘寧計飽與飢萬事付杯酒從人笑狂癡

與孟東野

劉義

寒衣草木皮飢食草木根不爲孟夫子豈識市井門

題合谿乾洞

于鵠

渡水傍山尋絕壁白雲飛處洞天開仙人來徃行無跡
石徑春風長綠苔

益昌行

并序

歐陽詹

貞元中天子以工部郎中興元少尹吳興沈公長源

牧利州其爲政五年予旅遊于利覩人安俗阜欽所
以美作詩一章利州故益昌郡也目曰益昌行

驅馬至益昌倍驚風俗和耕夫壟上謠負者途中歌處
處川復原重重山與河人煙遍餘田時稼無閑坡間業
一何修太守德化加問身一何安太守恩懷多賢哉我
太守在古無以過愛人甚愛子理邦如理家雲雷旣奮
騰草木遂萌芽乃知良二千德足爲國華今時固精求
漢帝非徒嗟四氣有青春衆植佇揚葩期當作說霖天
下同滂沱

寄孟東野

戴叔倫

亂餘城郭怕經過到處閒門長薜蘿
用世空悲聞道淺入山偏喜識僧多
醉歸花徑雲生履樵罷松巖雪滿簑
石上幽期春又暮何時載酒聽高歌

喜陳懿老示新製

朱 畫

一別一千日一日十二憶苦心無閑時
今夕見玉色玉色復何異紅明含羣德
有文如星宿飛入我胃臆憂愁方破壞
懽喜重補塞使我心貌全且非黃金力
將攀下

風手願假仙鸞翼

予欲見詩人孟郊故寄誠於此

次潭州酬唐侍御姚員外遊道林嶽麓寺題示

沈傳師

承明年老輒自論
乞得湘守東南奔
爲聞楚國富山水
青嶂邈迤僧家園
含香珥筆皆眷舊
謙挹自忘臺省尊
不令執簡候亭館
直許攜手遊山樊
忽驚列岫晚來逼
朔雪洗盡烟嵐昏
碧波廻嶼三山轉
丹檻繚郭千艘屯
華鑣蹀躞徇沙步
大旆綵錯輝松門
樛枝競驚龍蛇勢
折幹不滅風霆痕
相重古殿倚巖腹
別引新徑縈雲根
目傷平楚虞帝蒐
情多思遠聊開罇
危絃細管逐歌颺

畫鼓繡靴隨節翻鏘金七言陵老杜入木八法蟠高軒
嗟余潦倒久不利忍復感激論元元

奉酬浙西尚書招隱山觀玉藥樹戲書卽事見懷
之作

沈傳師

曾對金鑒直同依玉樹陰雪英飛舞近煙葉動搖深素
萼年年密衰容日日侵勞君想華髮僅欲不勝簪

贈毛仙翁

沈傳師

安期何事出雲煙爲把仙方與世傳只向人間稱百歲
誰知洞裏過千年青牛到日迎方朔丹竈開時共稚川

更說桃源最深處異花長占四時天

寄太府兄侍史

沈傳師

積雪山陰馬過難殘更深夜鐵衣寒將軍破了單于陣
更把兵書仔細看

題道林寺示沈觀察

唐扶

道林岳麓仲與昆卓犖請從先後論松根踏雲二千步
始見大屋開三門泉清或戲蛟龍窟殿豁數盡高岬掀
卽今異鳥聲不斷聞道看花春更繁從容一衲分若有
蕭瑟兩鬢吾能髡逢迎侯伯殪覺膜拜佛像心加遵

稍揖皇英顧濃泪試與屈賈招清魂荒唐大樹悉楠桂
細碎枯草多蘭蓀沙彌去學五印字靜女來懸千尺旛
主人念我塵眼昏半夜號令期至瞰遲回雖得上白舫
羈縻不敢言綠尊兩祠物色採拾盡壁間杜甫貞少恩
晚來光彩又騰射筆鋒正健如可吞

招隱山觀玉藥樹戲書卽事奉寄江西沈太夫人閣
老

李德裕

玉藥天中樹金閨昔共窺落英颺舞雪密葉作低帷

內署

沈大夫所居闕前有此樹每花落空中回旋又之方集庭砌大夫草詔之暇嘗邀徐同玩舊賞煙霄

遠前歡歲月移今來想顏色還似憶瓊枝

泛太湖書事寄微之

白居易

煙渚雲帆處處通飄然舟似入虛空
玉杯淺酌巡初匝金管徐吹曲未終
黃夾纈林寒有葉碧琉璃水淨無風
漣旗飛鷺翩翩白鷺鼓躍魚拔刺紅
澗雪壓多松偃蹇巖泉滴久石玲瓏
書爲故事留湖上吟作新詩寄浙東
軍府盛容從道盛江山氣色定知同
報君一事君應羨五宿澄波皓月中

小歲日對酒吟錢湖州新寄詩

白居易

獨酌無多興，閑吟有所思。
一杯新歲酒，兩句故人詩。
楊柳初黃日，鬢髮半白時。
蹉跎春氣味，彼此老心知。

崔湖州贈紅石琴薦煥如錦，文無以答，之以詩酬。

謝

白居易

續編文錄綺韻同相感，深千年古澗石。
八月秋堂琴引，山川思助成金玉。
音人間無可比，比我與君心。

郡中閑獨寄微之及崔湖州

白居易

少年賓飾非吾輩，晚歲簪纓束我身。
酒散更無同宿客，詩成長作獨吟人。
蘋洲會面知何日，鏡水離心又一春。

兩處也應相憶在官高年長少情親

錢湖州以箸下酒李蘇州以五醖酒相次寄到無

因同飲聊詠所懷

白居易

勞將箸下忘憂物寄與江城愛酒翁
鐺脚三州何處會
甕頭一盞幾時同
傾如竹葉盈樽綠
飲作桃花上面紅
莫惟殷勤醉相憶
曾陪西省與南宮

初到郡齋寄錢湖州李蘇州聊取二郡一哂故有

落句之戲

白居易

俱來滄海郡半作白頭翁
謾道風煙接何曾笑語同
吏

稀秋稅畢客散晚庭空霽後當樓月潮來滿座風
雲溪殊冷僻茂苑太繁雄唯有錢塘郡閑忙恰得中

早飲湖州酒寄崔使君

白居易

一榼扶頭酒泓澄瀉玉壺十分蘸甲酌漱齏滿銀盃捧
出光華動嘗看氣味殊手中穉琥珀舌上冷醞醕瓶裏
有時盡江邊無處沽不知崔太守更有寄來無

吉祥寺見錢侍郎題名

白居易

雲雨三年別風波萬里行秋心正蕭索況見故人名

箬峴東池

箬峴山
在長興

白居易

箬峴亭東有小池早荷新荇綠參差中宵把火行人歸
鷺散雙棲白鷺鷥

得楊湖州書頗誇撫民接賓縱酒題詩因以絕句

戲之

白居易

豈獨愛民兼愛客不惟能飲又能文白蘋洲上春傳語
柳使君輸楊使君

晚春寄微之并崔湖州

白居易

洛陽陌上少交親履道城邊欲暮春崔在吳興元在越
出門騎馬覓何人

題廢禪居寺

商寓武康仙去文苑中載商詩甚多

劉商

凋殘精舍在連步訪緇衣古殿門空掩楊花雪亂飛鶴巢松影薄僧少磬聲稀青眼能留客疎鐘逼夜歸

合溪水漲寄敬山人

劉商

其愛碧溪臨水住相思來往踐莓苔而今却欲嫌溪水雨漲春流隔往來

同靈澈上人過杼山題皎然影堂

范傳正

道安已返無何鄉慧遠來過舊草堂余亦當時及門者共吟佳句一焚香

哭孟郊

李克恭

一旦玄微縹緲成盡吟方更爽精神宣宗謫去爲閑事
韓愈知來已振名海底也應搜得淨月輪常被翫教傾
如何未隔四十載不遇論量向此生

送沈秀才下第東歸

賈島

曲言惡者誰悅耳如彈絲直言好者誰刺耳如長絃沈
生才俊秀心腸無邪欺君子忌苟合樸交如求師毀出
嫉夫口騰入禮部闈下第子不耻遺才人耻之東歸家
堂遠掉臂時參差浙雲近吳見汴柳接楚垂明年春光

別迴首不復疑

投孟郊

賈島

月中有孤芳天下吟薰風江南有高唱海北初來通容
飄清冷餘自蘊襟袍中止息乃流溢推尋却冥蒙我知
雪山子謁彼偈句空必竟獲所實爾焉遂深衷錄之孤
燈前猶恨百首終一吟動狂機萬疾辭頑窮生年面未
交永夕夢輒同叙詰誰君師詎言無吾宗余求履其跡
君曰可但攻啜波腸易飽揖險神難從前歲曾入洛差
池阻從龍萍家復從趙雲思長縈縈嵩海每可請長途

追再窮願傾肺腸事盡入焦梧桐

哭孟郊

賈島

身死聲名在多應萬古傳寡妻無子息破宅帶林泉塚
近登山道詩隨過海缸故人相弔後斜日下寒天

弔孟協律

賈島

才行古人齊生前品位低葬時貧賣馬遠日哭惟妻孤
塚北邙外空齋中岳西集詩應萬首物象遍曾題

瀛奎律髓曰孟協律卽郊也哭與弔相先後耳郊無
子而唐史謂鄭餘慶廬其妻子豈後亦立鄧郢之子

爲子耶存疑當攷

弔孟東野

王建

吟損

一作哭盡

秋天月不明
蘭無香氣
鶴無聲
自從東野先

生死側近雲山得散行

題晝公院

周賀

叢木開風徑
過從白晝寒
含深原草合
茶疾竹薪乾
夕雨生眠興
禪心少話端
頻來覺無事
盡日坐相看

宿杼山晝公禪堂

周賀

從作兩河客
別離經半年
却來峯頂宿
知廢井南禪
積

靄沈斜月孤燈照落泉何當開事盡相伴老溪邊

春色滿皇州

省試

沈亞之

何處春歸好偏宜在雍州花明夾城道柳暗曲江頭風
軟遊絲重光融瑞氣浮聞鷄憐短草乳鷺傍高樓繡轂
盈香陌新泉溢御溝行看日欲暮迴騎似川流

春辭

沈亞之

黃鳥啼時春日高紅芳發盡井邊桃美人春暖裁衣易
片片輕花落剪刀

送沈亞之赴郡掾

徐凝

千萬乘驄沈司戶不須惆悵郢中遊幾年白雪無人唱
今日惟君上雪樓

將至妙喜寺

徐凝

清風嫋嫋越水陂遠樹蒼蒼妙喜寺自有車輪與馬蹄
未曾到此波心地

吳興藝文補卷四十五終